



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCXXXII. ad annum CCCCLI.

Parisiis, 1644

Concilium Romanvm I. In Cavsa Manichaeorvm.

urn:nbn:de:hbz:466:1-14584

Superius
dicta conti-
guntur.

est, hanc Synodum rectius Vafatensem nominari, perspectis iis quæ Baronius in appendice tomī decimi correxit & emendauit circa annum Domini 442. erroneum & emendandum esse cognoui.

ANNO
CHRISTI
442.

Vafates enim sunt populi prope Burdigalam, ut ex allegata ibidem auctoritate Sidonii constat. Episcopi autem qui huic Synodo interfuerunt, Arelatensis prouincia fuisse certum est. Vnde procul abhorret, ut ipsi Vafatis conuenisse dicantur.

Quotum
Valense.

^c Secundum.] Quod ut verum esse cognoscas, vide quæ notaui supra in Concilio Valensi sub Iulio, verbo *Concilium*.

^d Constitutiones sanctæ.] Præter ea quæ hic de nota consulari asseruntur, nihil est quod ad Synodum Vafensem secundam pertinere certo constet.

Tempus
habiti Con-
cili Vafen-
sis.

^e Leonis pape I. tertio.] Anno pontificatus illius tertio, qui est Christi nati quadringentesimus quadragesimus secundus, Theodosii trigesimus quintus & Valentini decimus octauus. Nam principio actorum hanc Synodum celebratam fuisse scribitur sub Dioscori consulatu, qui cum predictis Christi, pontificum & imperatorum chronologis coincidit, ut ex emendationibus fastis constat.

^f Qui oblationes defunctorum.] Vide quæ diximus supra in notis Concilii Vafensis primi sub Iulio.

*CONCILIVM ROMANVM I.
IN CAVSA MANICHÆORVM.

NOTA.

Causa &
tempus Cō-
cili.

¹ Concilium.] Postquam S. Leo Manichæos Romæ occulte latantes comperisset, iisque publicam quamdam notam infamiae, qua a catholicis discernerentur, inussisset, tandem (ut constat ex eius epist.

ANNO
CHRISTI
444.

2. hoc anno, mense Ianuario ad episcopos Italiam scripta) anno pontificatus sui quinto, qui est Christi 444. & Theodosii imperatoris 37. aduersus eosdem Romæ Concilium indixit. Cui, ut Manichæorum scelerata notiora redderentur, non tantum episcopos & presbyteros, sed & senatores complures, illustresque viros, imo & plebis partem præsentem esse voluit. Quid in hoc Concilio actum fuerit, S. Leo serm. 5. de ieunio decimi mensis describit his verbis: Residentibus itaque mecum episcopis ac presbyteris, ac in eumdem confessum Christianis viris ac nobilibus congregatis, electos & electas eorum iussimus presentari. Qui cum de perueritate dogmatis sui, & de festiuitatum suarum consuetudine multa referarent, illud quoque scelus, quod eloqui verecundum est, prodiderunt. Quod tanta diligentia inuestigatum est, ut nihil minus credulis, nihil obtrectatoribus maneret ambiguum. Aderant enim omnes personæ, per quas nefandum facinus fuerat perpetratum: puella scilicet, ut multum decennis, & duas mulieres, quæ ipsam nutrieran, & huic sceleri prepararan. Praesto erat etiam adolescentulus vitiator puelle,

ANNO CHRISTI 444. & episcopus ipsorum detectandi criminis ordinator. Omnium par fuit horum & una confessio, & patefactum est execratum, quod aures nostrae vix ferre potuerunt. De quo ne apertius loquentes castos offendamus auditus, gestorum documenta sufficient, quibus plenissime docetur, nullam in hac seita pudicitiam, nullam honestatem, nullam penitus reperiri castitatem; in qua lex est mendacium, diabolus religio, sacrificium turpitudo. Hos ideo homines, dilectissimi, per omnia execrabilis atque pestiferos, quos aliarum regionum perturbatio nobis intulit crebriores, ab amicitia nostra penitus abdicant, vosque præcipue mulieres a talium notitia & colloquio abstinet; ne dum fabulosis narrationibus incautus delectatur auditus, in diaboli laqueos incidatis.

Eadem prolixius commemorantur in epistola secunda Leonis, quam instar aliarum ad alios scriptarum dederat ad episcopos Italiæ, ut de rebus in hac Synodo Romæ aduersus Manichæos gestis, certiores fierent, omnesque pestilentissimam luem præcognitam, præcauere & longius propulsare disserent. Hæc ex Leonis sermonibus & epistolis Baron. anno 444. num. 1. 2. & seqq.

CONCILIVM INCERTI LOCI,

IN QVO CHELIDONIVS EPISCOPVS

Vesontionensis, tamquam viduæ maritus, & qui capitalibus aliquando iudiciis præfuiisset, episcopatu deieatus est.

HVIC Concilio præfuit Hilarius Arelatensis. interfuisse autem cum aliis & Germanum episcopum Autiiodorensem, innuit Honoratus Massiliensis, seu quis alius vitæ Hilarii eiusdem est auctor. Ceterum Chelidonius in hac Synodo damnatus Romanum ad Leonem papam contendit. nec multo post secutus est Hilarius: sed suggestione Leonii oblata, moræ impatiens exitum iudicii non expectauit. Ex quo nata est illa Leonis in Hilarium indignatio, quam eius ad episcopos prouinciae Viennensis epistola declarat. Chelidonium porro absoluit Leo, non quod instam exauictationis causam non duceret illam que obtendebatur, sed quod falso ei obiecta, nec satis probata videretur. Auctor vitæ Hilarii, quamquam Synodi iudicium sic exponit, quasi legitimæ testium probationi nihil defuisse; Hilario tamen fraudi fuisse non disimulat, quod conscientia fretus nimia erga Leonem libertate usus esset. Scribit ergo in hunc modum: In excursibus autem quis ut dignum est explicabit, quantum eius præsentia profectum contulerit ciuitatibus Gallicanis, sanctum

Concil. Tom. 7.

Oo ij